

20040621172

## L I G J I PËR VEPRIMTARI HOTELIERE

### I. DISPOZITA TË PËRGJITHSHME

#### Neni 1

Me këtë ligj rregullohen kushtet dhe mënyra e kryerjes së veprimtarisë hoteliere.

#### Neni 2

Veprimtari hoteliere është dhënia e shërbimeve hoteliere për vendosje dhe shërbime hoteliere për ushqim.

#### Neni 3

Shërbime hoteliere janë: përgatitja dhe shërbimi i ushqimit, përgatitja e racioneve përshkak të konsumimit në vend tjetër, shërbimi i pijeve alkoolike dhe joalkoolike, përgatitja dhe shërbimi i pijeve të nxehta dhe të ftohta dhe kryerja e veprimeve për vendosje.

### II. KRYERËSIT E VEPRIMTARISË HOTELIERE

#### Neni 4

Veprimtari hoteliere mund të kryejnë shoqëritë tregtare dhe tregtarët individë të regjistruar në regjistrin tregtar (në tekstin e mëtejshëm: hotelierë).

Personat fizikë, të cilët në pajtim me dispozitat e këtij ligji kryejnë veprimtari hoteliere me vëllim të vogël, regjistrohen në regjistrin që e mban prefekti i komunës, ndërsa në Qytetin e Shkupit prefekti i komunës në rajonin e Qytetit të Shkupit.

Formën dhe përmbajtjen, si dhe mënyrën e mbajtjes së regjistrit nga paragrafi 2 të këtij neni, e përcakton ministri kompetent për punët nga lëmi i hotelierisë.

#### Neni 5

Dispozitat e këtij ligji nuk kanë të bëjnë me dhënien e shërbimeve për ushqim dhe vendosje në objekte personale të personave juridikë, të cilët organizojnë ushqim dhe vendosje për të punësuarit e tyre, institucionet edukative-arsimore, edukative-përmirësuese, sociale, shëndetësore dhe institucione tjera, si dhe në objektet për ushqim dhe vendosje të organit të administratës shtetërore kompetent për punët nga lëmi i mbrojtjes dhe njësisive të tjera të mbrojtjes, objektet për ushqim dhe vendosje të organit të administratës shtetërore kompetent për punët nga lëmi i punëve të brendshme dhe institucioneve tjera publike administrative.

### III. KUSHTET DHE MËNYRA E KRYERJES SË VEPRIMTARISË HOTELIERE

#### 1. Kushtet për kryerjen e veprimtarisë

##### Neni 6

Për kryerjen e veprimtarisë hoteliere doemos duhet të plotësohen kushtet e përcaktuara minimale-teknike.

Përveç kushteve nga paragrafi 1 i këtij neni, doemos të përmbushen edhe kushtet vijuese: objekti të mund të përdoret, kushtet sanitare shëndetësore, kushtet për mbrojtje gjatë punës, mbrojtja dhe përparimi i mjedisit jetësor, mbrojtja kundër zjarrit dhe kushtet për mbrojtje nga zhurma të përcaktuara me ligj.

Veprimtaria hoteliere në objektet hoteliere në bar nate, kabare, disko-klub dhe disko-klub në sipërfaqe të hapur mund të kryhet nëse hotelieri siguron pëlqim nga organi i administratës shtetërore kompetent për punët nga lëmi i punëve të brendshme se janë plotësuar kushtet për mbrojtje të rendit publik dhe qetësisë dhe sigurisë në komunikacion.

#### Neni 7

Drejtori i Inspektoratit shtetëror të tregut ose punëtori përgjegjës i autorizuar prej tij në bazë të kërkesës së hotelierit, jep vendim se janë plotësuar kushtet minimale-teknike.

Kundër vendimit nga paragrafi 1 i këtij neni mund t'i ushtrohet ankesë, në afat prej tetë ditësh nga dita e pranimit, organit të administratës shtetërore kompetent për punët nga lëmi i hotelierisë.

#### Neni 8

Hotelieri është i obliguar që para fillimit të kryerjes së veprimtarisë, si dhe ndryshimit të kushteve nga neni 6 i këtij ligji, t'ia paraqesë prefektit të komunës, ndërsa në Qytetin e Shkupit prefektit të komunës në rajonin e Qytetit të Shkupit sipas selisë së objektit, përkatësisht sipas vendit ku jepen shërbimet.

Prefekti i komunës, kurse në Qytetin e Shkupit prefekti i komunës në rajonin në Qytetit të Shkupit, mban evidencë të hotelierëve të cilët fillojnë me punë në rajonin e tyre.

Prefekti i komunës në rajonin e Qytetit të Shkupit e informon prefektin e Qytetit të Shkupit për regjistrimin e kryer personave fizikë në regjistër në kuptim të nenit 4 paragrafi 2 i këtij ligji, si dhe për paraqitjen e hotelierëve, të cilët fillojnë me punë në rajonin e tyre në kuptim të paragrafit 2 të këtij neni.

#### Neni 9

Ministri i cili udhëheq me organin e administratës shtetërore kompetent për punët nga lëmi i hotelierisë, i përcakton kushtet minimale-teknike të objekteve për kryerjen e veprimtarisë hoteliere, si dhe kushtet për kategorizim për kryerjen e veprimtarisë hoteliere.

#### Neni 10

Ministri i cili udhëheq me organin e administratës shtetërore kompetent për punët nga lëmi i hotelierisë, përcakton formën dhe përmbajtjen e formularit për mënyrën e mbajtjes së evidencës nga neni 8 paragrafi 2 i këtij ligji.

## **2. Lënda dhe mënyra e punës së hotelierëve**

#### Neni 11

Hotelierët e kryejnë veprimtarinë hoteliere në pajtim me këtë ligj, si dhe me zakonet e posaçme të hotelierisë dhe traditave të tjera afariste në hotelieri, dhe varësisht nga llojet dhe mënyra e ofrimit të kushteve hoteliere në lloje përkatëse të objekteve afariste.

#### Neni 12

Veprimtaria hoteliere kryhet në objekte afariste apo në lokale dedikuar, rregulluar dhe të pajisur për dhënien e shërbimeve hoteliere.

Veprimtaria hoteliere mund të kryhet edhe në objekte apo lokale ku kryhet veprimtari tjetër, nëse janë plotësuar kushtet e përcaktuara për kryerjen e veprimtarisë hoteliere.

Veprimtaria hoteliere mund të kryhet edhe jashtë objektit afarist në lokalin dedikuar, rregulluar dhe të pajisur për dhënien e shërbimeve hoteliere (teraca dhe kopshte verore), në bazë lejes së dhënë nga prefekti i komunës, ndërsa në Qytetin e Shkupit nga prefekti i Qytetit të Shkupit.

Veprimtaria hoteliere në objektet hoteliere - bar nate, kabare dhe disko-klub, nuk mund të kryhet në lokal afarist, i cili gjindet në ndërtesë kolektive për banim.

Objektet hoteliere për ushqim, në përbërje të objekteve hoteliere për vendosje, janë ato objekte të cilat në mënyrë ndërtimore dhe funksionale u takojnë personave fizikë dhe juridikë, të regjistruar për kryerjen e veprimtarisë hoteliere.

Për kryerjen e veprimtarisë hoteliere në objektet për ushqim, doemos duhet të ketë person të punësuar me së paku përgatitje të mesme profesionale nga lëmi i hotelierisë.

#### Neni 13

Hotelieri është i obliguar që për shërbim dhe shitje të verës, alkoolit dhe pijeve alkoolike të ketë edhe licencë dhe ta vë në vend të hapur.

Licenca nga paragrafi 1 i këtij neni vlen për një periudhë prej një viti.

#### Neni 14

Licencën nga neni 13 të këtij ligji e jep, me kërkesën e hotelierit, ministri i cili udhëheq me organin e administratës shtetërore kompetent për punët nga lëmi i hotelierisë.

Ministri i cili udhëheq me organin e administratës shtetërore kompetent për punët nga lëmi i hotelierisë, përcakton formën përmbajtjen, mënyrën e dhënies dhe të marrjes së licencës nga neni 13 i këtij ligji.

Ministri i cili udhëheq me organin e administratës shtetërore kompetent për punët e hotelierisë, merr vendim me të cilin do të jepet apo merret licenca.

Kundër vendimit nga paragrafi 1 të këtij neni mund të parashtrohet ankesë, në afat prej tetë ditësh nga dita e pranimit, Komisionit të Qeverisë të Republikës së Maqedonisë për vendosje të punëve administrative në shkallë të dytë nga lëmi i hotelierisë.

#### Neni 15

Në objektet hoteliere të tipit të mbyllur në institucionet edukative-arsimore, arsimore, edukative-përmirësuese, sociale, shëndetësore dhe institucioneve të tjera të përcaktuara nga Qeveria e Republikës së Maqedonisë me propozimin e ministrit, i cili udhëheq me organin e administratës shtetërore kompetent për punët nga lëmi i hotelierisë, në objektet e administratës publike, objektet për ushqimin e të punësuarve të personave juridikë, nuk mund të shërbehet alkool dhe pije alkoolike, si dhe të marrin licencë në bazë të nenit 13 të këtij ligji.

### **3. Emri dhe llojet e objekteve hoteliere**

#### Neni 16

Objektet hoteliere mund të jenë:

- 1) objekte hoteliere për vendosje; dhe
- 2) objekte hoteliere për ushqim.

#### Neni 17

Emri i objektit hotelier caktohet sipas llojit të shërbimeve hoteliere, të cilat kryesisht jepen në atë objekt.

Objektet hoteliere sipas llojit të shërbimeve hoteliere, kanë emër në pajtim me Klasifikimin nacional të veprimtarive.

Emri i llojit të objektit hotelier mund të ndryshojë, nëse janë plotësuar kushtet, të cilat janë përcaktuar për dhënien e llojeve të tjera të shërbimeve në objektin hotelier.

#### Neni 18

Objektet hoteliere për vendosje ndahen në:

1) objekte themelore hoteliere për vendosje, në të cilat marrin pjesë hotelet, vendbanimet hoteliere, vendbanimet me apartamentet, motelet, pansionet, rezidencat, vendbanimet turistike dhe ngjashëm; dhe

2) objektet komplementare për vendosje, ku marrin pjesë: bujtinat, hanet, kampet, kapacitetet private për vendosje (dhomat, apartamentet, banesat, shtëpitë), pushimoret (për fëmijë, të rinj, punëtorë, persona me pengesa dhe ngjashëm), objektet e mbetura komplementare (shtëpitë feriale, shtëpitë malore dhe shtëpitë, objektet për vendosje të përkohshme dhe ngjashëm).

#### Neni 19

Objektet hoteliere për ushqim mund të jenë:

1) restorantet (hanet, restorantet për vetëshërbim, ekspres restorante, qoshqe, restorante qumështi, restorante kopshte, kopshte verore, qebaptore, lokale të hapura, piceri, objekte për ushqim të shpejtë dhe ngjashëm);

2) baret (kafene, kafiteri, bar nate, kafe bar, kabare, disko-klub, disko-klub në sipërfaqe të hapur, birrari dhe ngjashëm);

3) kantinat, dhe

4) objektet të tjera hoteliere për ushqim.

Në objektet hoteliere nga paragrafi 1 i këtij neni doemos duhet të ketë person të punësuar me përgatitje profesionale nga lëmi i hotelierisë.

#### Neni 20

Veprimtaria hoteliere në bar nate, kabare, disko-klub dhe disko-klub në sipërfaqe të hapur, kryhet në bazë të licencës.

Hotelet me së paku katër yje mund ta kryejnë veprimtarinë nga paragrafi 1 i këtij neni pa licencë.

Licencën nga paragrafi 1 të këtij neni e lëshon organi i administratës shtetërore kompetent për punët në lëmin e hotelierisë.

Ministri i cili udhëheq me organin e administratës shtetërore kompetent për punët nga lëmi i hotelierisë, përcakton formën dhe përmbajtjen e formularit të licencës, si dhe mënyrën e dhënies dhe marrjes së licencës.

#### Neni 21

Për marrjen e licencës nga neni 20 paragrafi 1 i këtij ligji, hotelieri është i obliguar të paguajë kompensim për dhënien e shërbimeve për:

- kabare - në kundërvlerë me denarë prej 2 500 deri në 5 000 euro;

- bar nate - në kundërvlerë me denarë prej 4 000 deri në 8 000 euro, dhe

- disko-klub dhe disko-klub në sipërfaqe të hapur - në kundërvlerë me denarë prej 7 500 euro.

Lartësinë e kompensimit nga paragrafi 1 i këtij neni e përcakton Kuvendi i komunës, kurse për Qytetin e Shkupit, Këshilli i Qytetit të Shkupit.

Kompensimi nga paragrafi 1 i këtij neni 50% paguhet në llogari të komunës, ndërsa në Qytetin e Shkupit në llogari të Qytetit të Shkupit, ndërsa 50% paguhet në Buxhetin e Republikës së Maqedonisë në kundërvlerë me denarë sipas kursit të mesëm të Bankës Popullore të Republikës së Maqedonisë në ditën e pagimit.

#### Neni 22

Licenca nga neni 20 i këtij ligji vlen për një periudhë prej një viti.

Licenca nuk mund të bartet.

### **4. Koha e punës së objekteve hoteliere**

#### Neni 23

Hotelieri mund të organizojë kryerjen e veprimtarisë hoteliere gjatë kohës së punës, edhe atë:

1) Objektet hoteliere për vendosje (hotelet, motelet, pansionet, vendbanimet turistike, bujtinat, pushimoret dhe kampet) mund të punojnë prej orës 00,00 deri në orën 24,00, ndërsa objektet hoteliere për ushqim të cilat janë në përbërje të objekteve për vendosje, pas orës 24,00 mund të japin vetëm shërbime hoteliere për ushqim të shpejtë.

2) Objektet hoteliere për ushqim, pa marrë parasysh llojin, të cilat paraqesin një tërësi ndërtime të locuara në vendkalimet kufitare, aeroportet dhe stacionet hekurudhore mund të punojnë prej orës 00,00 deri në orën 24,00;

3) Objektet hoteliere për ushqim pa dallim të llojit të shërbimeve hoteliere, mund të punojnë prej orës 07,00 deri në orën 24,00.

4) Objektet hoteliere për ushqim pa dallim të llojit të shërbimeve hoteliere në ditët e premte dhe e shtunë, para ditëve festive dhe ditëve të festave, si dhe në periudhën prej 01 korriku deri më 31 gusht dhe në periudhën prej 25 dhjetorit deri më 15 shkurt, mund të punojnë prej orës 07,00 deri më orën 01,00 ditën vijuese, ndërsa më 31 dhjetor, 01 dhe 02 janar deri më orën 03,00 ditën vijuese.

5) Objektet hoteliere – bar nate dhe kabaretë mund të punojnë prej orës 20,00 deri më orën 04,00 ditën vijuese, në ditët e premte dhe e shtunë, para ditëve festive dhe ditëve të festës, si dhe gjatë periudhës prej 1 korriku deri më 31 gusht dhe në periudhën prej 25 dhjetorit deri më 15 shkurt, mund të punojnë prej orës 20,00 deri më orën 05,00 ditën vijuese, ndërsa më 15 shkurt mund të punojnë prej orës 20,00 deri më orën 05,00 ditën vijuese, ndërsa më 31 dhjetor, 01 dhe 02 janar deri më orën 06,00 ditën vijuese.

6) Objekti hotelier – disko-klub dhe disko-klub në sipërfaqe të hapur mund të punojë prej orës 19,00 deri në orën 04,00 ditën vijuese, në ditët ditët e premte dhe e shtunë, në prag të ditëve festive dhe ditëve festive, si dhe në periudhën prej 01 qershori deri më 31 gusht dhe në periudhën prej 25 dhjetor deri më 15 shkurt, mund të punojnë prej orës 19,00 deri në orën 05,00 ditën vijuese, ndërsa më 31 dhjetor, 01 dhe 02 janar deri në orën 06,00 ditën vijuese.

Këshilli i komunës, kurse për Qytetin e Shkupit, Këshilli i Qytetit të Shkupit mund ta vazhdojë kohën e punës së objekteve hoteliere për një orë.

#### Neni 24

Hotelieri në mënyrë të pavarur e cakton kohën e punës së objektit në pajtim me nenin 23 të këtij ligji sipas interesave të tij afariste, karakteristikave të rajonit në të cilin kryhet veprimtaria hoteliere dhe nevojave të shfrytëzuesve të shërbimeve.

#### Neni 25

Hotelieri është i obliguar që orën e fillimit të kohës së punës dhe orarin e punës t'ia paraqesë prefektit të komunës, ndërsa në Qytetin e Shkupit prefektit të komunës së rajonit të Qytetit të Shkupit, si dhe Inspektoratit shtetëror për punë në afat prej tetë ditëve para ditës së fillimit të kryerjes së veprimtarisë hoteliere dhe para ndryshimit të orës dhe orarit të kohës së punës së objektit hotelier.

Prefekti i komunës, ndërsa në Qytetin e Shkupit prefekti i komunës së rajonit të Qytetit të Shkupit, mban evidencë për kohën e punës së objekteve hoteliere që punojnë në rajonin e kompetencës së tyre.

Në rast të shkaqeve objektive, të cilat kërkojnë mbylljen e objektit hotelier apo ndryshime të kohës së punës në të cilat hotelieri nuk mund të ndikojë, hotelieri mund ta mbyllë objektin hotelier, përkatësisht ta ndryshojë orarin e punës pa e plotësuar obligimin nga paragrafi 1 i këtij neni. Për këtë është i obliguar ta informojë prefektin e komunës, ndërsa në Qytetin e Shkupit prefektin e komunës në rajonin e Qytetit të Shkupit, si dhe Inspektoratin shtetëror për punë në afat prej pesë ditëve nga dita e paraqitjes së shkakut.

Hotelieri e paraqet fletëparaqitjen e formularit për caktimin e orës së fillimit të orarit të punës dhe orarin e punës.

Ministri i cili udhëheq me organin e administratës shtetërore kompetent për punët nga lëmi i punës dhe politikës sociale, përcakton formën dhe përmbajtjen e formularit për caktimin e orës së fillimit të kohës së punës dhe orarin e punës.

#### Neni 26

Hotelieri është i obliguar që orarin e punës ta vendosë në hyrje të objektit dhe në vend të dukshëm në objekt.

Hotelieri është i obliguar t'i përmbahet orarit të punës nga nenet 23 dhe 25 të këtij ligji.

### **5. Kategorizimi i objekteve hoteliere**

#### Neni 27

Objektet hoteliere për vendosje (hoteli, moteli, pansioni, apartamenti turistik dhe kampi), si dhe objekti hotelier për ushqim – restorant, para fillimit me kryerjen e veprimtarisë detyrimisht kategorizohen sipas kushteve dhe standardeve të përcaktuara për lloje të caktuara të këtyre objekteve sa i përket rregullimit, pajisjes dhe kualitetit të shërbimeve me yje.

Shtëpitë, banesat dhe dhomat për dhënie nga ana e personave fizikë dhe amvisërive të fshatit, detyrimisht kategorizohen sipas kushteve të parapara në paragrafin 1 të këtij neni.

#### Neni 28

Kategorizimin e objekteve hoteliere nga neni 27 paragrafi 1 e kryejnë Komisionet për kategorizimin e objekteve hoteliere (në tekstin e mëtejme: Komisione) të përbëra nga pesë anëtarësh, të cilët kanë zëvendës.

Komisionet nga paragrafi 1 i këtij neni i formon ministri, i cili udhëheq me organin e administratës shtetërore kompetent për punët nga lëmi i hotelierisë nga dy përfaqësues të organit të administratës shtetërore kompetent për punët nga lëmi i hotelierisë, përfaqësues nga organi i administratës shtetërore kompetent për punët nga lëmi i shëndetësisë, përfaqësues nga organi i administratës shtetërore kompetent për punët nga lëmi i punës dhe politikës sociale dhe përfaqësues nga prefekti i komunës, ndërsa për Qytetin e Shkupit nga prefekti i Qytetit të Shkupit në rajonin e të cilit bëhet kategorizimi.

Njëri nga anëtarët e organit të administratës shtetërore kompetent për punët nga lëmi i hotelierisë në Komisionet nga paragrafi 1 i këtij neni, është edhe kryetar i Komisionit.

Për kategorizimin e bërë Komisionet marrin vendime në afat prej 15 ditëve nga dita e dorëzimit të kërkesës.

Kundër vendimeve nga paragrafi 4 i këtij neni mund t'i ushtrohet ankesë Komisionit të Qeverisë së Republikës të Maqedonisë për vendosje në procedurë administrative në shkallën e dytë nga lëmi i hotelierisë.

#### Neni 29

Vendimi nga neni 28 paragrafi 4 i këtij ligji jepet me kërkesën e hotelierit dërguar Komisionit për kategorizim.

Kërkesa nga paragrafi 1 i këtij neni përmban:

- 1) të dhëna nga regjistrimi në regjistrin tregtar;
- 2) firmën dhe adresën;
- 3) llojin, emrin dhe selinë e objektit të hotelierisë;
- 4) shërbimet që do të jenë lëndë e punës së objektit hotelierik;
- 5) lajmërimin - fletparaqitjen për punë;
- 6) propozimin e kategorizimit të objektit hotelierik, dhe
- 7) të dhëna dhe dëshmi për udhëheqësit dhe të punësuarit tjerë.

#### Neni 30

Shpenzimet për kategorizimin e objektit hotelierik i mban hotelieri.

Shpenzimet nga paragrafi 1 të këtij neni i përcakton ministri, i cili udhëheq me organin e administratës shtetërore kompetent për punët nga lëmi i hotelierisë.

#### Neni 31

Organi i administratës shtetërore kompetent për punët nga lëmi i hotelierisë mban regjistër për objektet e kategorizuara hoteliere.

Ministri i cili udhëheq me organin e administratës shtetërore kompetent për punët nga lëmi i hotelierisë, përcakton formën, përmbajtjen dhe mënyrën mbajtjes së regjistrit të objekteve të kategorizuara hoteliere.

#### Neni 32

Objekti hotelier nga neni 27 i këtij ligji nuk mund të fillojë me punë para se ta marrë vendimin nga neni 28 i këtij ligji, në të cilin është përcaktuar kategorizimi i objektit hotelier nga ana e Komisionit për kategorizim.

Në hyrjen e çdo objekti hotelier nga neni 27 i këtij ligji, në vend të dukshëm doemos duhet të vendoset shenja e llojit dhe kategorizimit të objektit hotelier, me ç'rast gjatë shpalljes dhe reklamimit të shërbimeve të veta, hotelieri doemos duhet ta përdorë vetëm këtë shenjë të llojit dhe kategorizimit të objektit.

#### Neni 33

Vendimi për caktimin e kategorisë së objektit hotelier jepet me vlefshmëri prej tre vjetësh.

Vendimi nga paragrafi 1 i këtij neni rruhet në çdo objekt për të cilin është caktuar kategorizimi.

Nëse bëhen ndryshime në standardet e përcaktuara për kategorinë e objektit hotelier të caktuar për rregullimin, pajisjen dhe kualitetin e shërbimeve, hotelieri është i obliguar të paraqesë kërkesë për kategorizim të ri në afat prej tetë ditëve nga dita e ndryshimit të standardeve të përcaktuara (kushteve) për kategorizimin e objektit hotelier.

Nëse hotelieri nuk vepron sipas procedurës së përcaktuar në paragrafin 3 të këtij neni, vendimi për kategorizim llogaritet si i pavlerë.

Ndryshimi i kategorisë së objektit hotelier bëhet në mënyrë dhe me procedurë të përcaktuar për caktimin e kategorisë së objektit hotelier.

### IV. OBLIGIMET E HOTELIERIT GJATË KRYERJES SË VEPRIMTARISË

#### Neni 34

Hotelieri për çdo objekt hotelier doemos duhet të caktojë person përgjegjës (drejtor, udhëheqës, shef dhe ngjashëm) në objektin hotelier.

Personi përgjegjës, përkaj plotësisht të kushteve të përgjithshme për themelimin e marrëdhënies së punës, të përcaktuara me ligj, doemos duhet të ketë së paku edhe përgatitje të mesme profesionale.

Personi përgjegjës në objektin hotelier për vendosje, i cili është kategorizuar me katër, pesë yje dhe kategori de luks, si dhe personi përgjegjës në objektin hotelier për ushqim të kategorizuar me katër yje, duhet të ketë arsimim sipëror.

Me përjashtim nga dispozitat nga paragrafi 1 i këtij neni, hotelieri mund të ketë një person përgjegjës edhe për më shumë objekte hoteliere për vendosje (më shumë lloje të objekteve hoteliere).

Nëse hotelieri personalisht udhëheq punën e objektit hotelier doemos duhet t'i plotësojë kushtet e përshkruara për personin përgjegjës.

Personi përgjegjës është kompetent për punën e objektit në pajtim me këtë ligj.

#### Neni 35

Hotelieri është i obliguar:

1) t'i mirëmbajë lokalet dhe pajisjen dhe të japë shërbime në objektin hotelier sipas kushteve të përcaktuara minimale-teknike, si dhe kushteve për kategorizimin e llojeve të objekteve për të cilat është paraparë kategorizimi i përcaktuar me vendimin e Komisionit për kategorizim;

2) t'i vë çmimet për vendosjes, pansion dhe gjysmëpansion në dhomat dhe të mundësojë shikim në çmimet e këtyre shërbimeve të shfrytëzuesve të shërbimeve, në reception, si dhe t'i vendosë çmimet e ushqimit, pijeve dhe lëngjeve në listat e zakonshme të çmimeve dhe në ekzemplarë të mjaftueshëm, të arritshëm për shfrytëzuesit e shërbimeve në çdo kohë;

3) në vend të dukshëm në hyrjen e objektit hotelier - bar nate dhe kabare në tabelë me dimensione 20 x 50 cm të vë mbishkrim me përmbajtje: persona me moshë nën 18 vjet nuk kanë të drejtë për vizitë".

Hotelierët janë të obliguar ta vërtetojnë moshën e personave para hyrjes së tyre në objekt.

4) t'u përmbahet çmimeve të vendosura, të posedojë dokumente për produktet e furnizuara (fatura, llogari, fletëdërgesë dhe ngjashëm), për çdo shërbim të dhënë të japë llogari me specifikimin e shërbimeve nga arka fiskale;

5) t'i vërtetojë normat e ushqimit dhe pijeve të cilat i shërben, si dhe t'u mundësojë shfrytëzuesve shikim në ato norma;

6) t'i dorëzojë normat për ushqim në verifikim te prefekti i komunës, ndërsa në Qytetin e Shkupit te prefekti i komunës në rajonin e Qytetit të Shkupit dhe shërbimet hoteliere t'i ofrojë në masë përkatëse dhe kualitet sipas normave të përcaktuara nga pika 5 paragrafi 1 i këtij neni;

7) të mbajë libër të mysafirëve në objektin hotelier për vendosje;

8) për shërbim të verës, alkoolit dhe pijeve alkoolike të ketë licencë;

9) ta përcaktojë dhe vendosë rendin shtëpiak në të gjitha objektet për vendosje;

10) licencën për shprazje të alkoolit ta vendosë në vend të dukshëm;

11) në objektet hoteliere për vendosje të japë shërbime hoteliere të përfshira në pakon aranzhmanet turistike përmes organizatorëve të udhëtimit apo ndërmjetësve, përkatësisht agjencive turistike;

12) në vend të dukshëm në objektin hotelier apo në meny ta vë numrin e telefonit të Inspektoratit shtetëror të tregut;

13) në të gjitha materialet propaganduese t'i shënojë llojin dhe kategorinë e objektit që është përcaktuar me vendimin e Komisionit për kategorizim.

#### Neni 36

Në objektet hoteliere është e ndaluar shitja dhe oferta për shitje, si dhe marrja e supstancave apo preparateve që janë shpallur si drogë dehëse apo supstanca psikotropike.

Hotelieri është i obliguar që në objektin hotelier të sigurojë hapësirë të posaçme të shënuar për duhanpirës me mbishkrim të rregulluar.

#### Neni 37

Në objektet hoteliere është ndaluar shërbimi i pijeve alkoolike personave nën 18 vjet dhe shërbimi i pijeve alkoolike personave të mitur.

Hotelierët janë të obliguar që në vend të dukshëm në objektin hotelier të vendosin mbishkrim me përmbajtje "persona me moshë nën 18 vjet nuk shërbehen me pije alkoolike", në tabelë me dimensione 20 x 50 cm.

Hotelierët janë të obliguar ta vërtetojnë moshën e personit nga paragrafi 1 i këtij neni në bazë të dokumentit përkatës.

#### Neni 38

Në objektet hoteliere është i ndaluar shërbimi i pijeve alkoolike nga fillimi i kohës së punës prej orës 07,00 deri në orën 10,00.

#### Neni 39

Kryerësit e veprimtarisë hoteliere mund të kryejnë edhe veprimtari të tjera, me të cilat plotësohet kryerja e veprimtarisë hoteliere dhe kontribuohet për shfrytëzim më të mirë të kapaciteteve hoteliere dhe realizimin e qarkullimit më të madh nëse i plotësojnë kushtet e përcaktuara nga ana e organeve të administratës kompetentë për kryerjen e këtyre veprimtarive.

### V. DHËNIA E SHËRBIMEVE TË TJERA HOTELIERE DHE SHËRBIMEVE HOTELIERE NGA PERSONA FIZIKË

#### Neni 40

Personat fizikë nga neni 4 paragrafi 2 të këtij ligji mund të japin:

- shërbime të konfeksionuara hoteliere në objekte lëvizëse të destinuara;
- shërbime kampimi;
- shërbime hoteliere për vendosje dhe ushqim në shtëpi;
- shërbime hoteliere në apartamente dhe dhoma për pushim;
- shërbime hoteliere në amvisëri fshatare; dhe
- shërbime hoteliere në objektet lundruese.

#### **1. Dhënia e shërbimeve të konfeksionuara në objekte lëvizëse të destinuara;**

#### Neni 41

Shërbimet hoteliere të konfeksionuara mund të jepen në objektet lëvizëse (në tekstin e mëtejshëm: objekte) me tërheqje vetanake ose ngrehëse, nëse i plotësojnë kushtet minimale-tekhnike dhe kushte të tjera të përcaktuara me ligj.

Dhënia e shërbimeve hoteliere nga paragrafi 1 i këtij neni mund të bëhet në vende të caktuara nga prefekti i komunës, ndërsa në Qytetin e Shkupit nga prefekti i Qytetit të Shkupit në: panairë, panairë lokale dhe manifestime të tjera.

Në objektin nga paragrafi 1 i këtij neni mund të shiten dhe/ose në sportele të shërbehen ushqime në gjendje të konfeksionuar (paraprakisht të përgatitura në lokalin afarist dhe të paketuara), pije joalkoolike, lëngje dhe akulllore e prodhuar dhe e paketuara nga fabrika në pajtim me kushtet sanitare-shëndetësore.

Ministri i cili udhëheq me organin e administratës shtetërore kompetent për punët nga lëmi i hotelierisë i përcakton kushtet minimale-tekhnike të objekteve për kryerjen e veprimtarive hoteliere nga paragrafi 1 i këtij neni dhe mënyrën e dhënies së të njëjtave.

Ministri i cili udhëheq me organin e administratës shtetërore kompetent për punët nga lëmi i shëndetësisë i përcakton kushtet sanitare-shëndetësore të objekteve për kryerjen e veprimtarisë hoteliere.

#### **2. Kampimi**

#### Neni 42

Kampimi është qëndrim i personave nën çadra, në kamp-shtëpiza, kamp-rimorkio dhe pajisje tjetër përkatëse për vendosje në sipërfaqe të hapur - tokë destinimin e së cilës, me qëllim kampimi, e përcakton me aktin e tij Këshilli i komunës, ndërsa për Qytetin e Shkupit, Këshilli i Qytetit të Shkupit.

Kampimi mund të bëhet vetëm në kampe të organizuara.

Kampe të organizuara janë kampet që i plotësojnë kushtet minimale-teknike për kryerjen e veprimtarisë hoteliere në kampe dhe kushtet për kategorizim (kampe të kategorizuara).

#### Neni 43

Nuk lejohet vendosja e çadrave, kamp-shtëpizave, kamp-rimorkiove dhe pajisje tjetër për kampim jashtë kampit.

#### Neni 44

Me përjashtim nga neni 42 i këtij ligji mund të kampohet edhe në tokë e cila përkohësisht është caktuar për kampim.

Tokën nga paragrafi 1 të këtij neni e përcakton Këshilli i komunës, ndërsa për Qytetin e Shkupit, Këshilli i Qytetit të Shkupit.

Në aktin me të cilin përcaktohet toka për kampim të përkohshëm, caktohet organizatori i kampimit, koha për të cilën toka mund të shfrytëzohet për kampim dhe kushtet minimale-teknike të cilat doemos duhet të plotësohen.

#### Neni 45

Kampi doemos duhet të ketë rend të përcaktuar shtëpiak.

Në hyrjen e kampit apo në vend tjetër për atë vend përkatës, doemos duhet të jetë i vendosur plani, skema e kampit, lista e vendosur e çmimeve për shfrytëzimin e lokalit për kampim, kategoria e kampit, si dhe shërbime të tjera që i jep kampi.

### **3. Dhënia e shërbimeve hoteliere në shtëpi, apartamente dhe dhoma për pushim**

#### Neni 46

Nën kushtet e përcaktuara me këtë ligj dhe rregulla të tjera, personi fizik mund të:

1) marrë shtëpi me qira, apartamente dhe dhoma për pushim, pronari i të cilave është bartës i të drejtës për shfrytëzim, dhe atë më së shumti deri më dhjetë dhoma, përkatësisht 20 shtretër.

2) organizojë kamp në tokën e tij më së shumti për 10 njësi vendosëse, përkatësisht për 30 mysafirë njëkohësisht;

3) japë shërbime për kafjall vetëm shfrytëzuesve të dhomave.

#### Neni 47

Për dhënien e shërbimeve hoteliere prej personave fizikë në objektet nga neni 46 i këtij ligji, doemos duhet t'i plotësojnë kushtet minimale-teknike dhe kushtet për kategorizim në kuptim të nenit 27 paragrafi 1 i këtij ligji.

Kategorizimin e objekteve nga neni 27 paragrafi 2 të këtij ligji e bën prefekti i komunës, ndërsa në Qytetin e Shkupit, prefekti i Qytetit të Shkupit.

#### Neni 48

Personi fizik i jep dhomat, apartamentet, shtëpitë dhe banesat për pushim përmes agjencisë turistike dhe byrosë turistike në bazë të marrëveshjes.

#### Neni 49

Marrëveshja nga neni 48 i këtij ligji përmban:

1) emrin dhe mbiemrin e personit fizik dhe NUA;

2) vendimin për regjistrim në regjistër;

3) vendin, rrugën dhe numrin e objektit në të cilin jepen shërbimet;

- 4) llojin e shërbimeve dhe numrin e mysafirëve të cilëve mund t'u jepen shërbimet;
- 5) kategorinë e objekteve në të cilin jepen shërbimet;
- 6) shumën e provizionit ndërmjetësues;
- 7) obligimin të cilin personi fizik duhet t'i përmbahet dispozitave nga neni 47 dhe 51 të këtij ligji.

#### Neni 50

Marrëveshja nga neni 49 i këtij ligji pushon të vlejë me prishjen e saj.

Agjencia turistike dhe byroja turistike e cila është themeluar nga personat juridik, prishjen e marrëveshjes nga paragrafi 1 i këtij neni do t'ia dorëzojë njësisë rajonale të Drejtorisë për të hyra publike, policisë financiare, inspeksionit sanitar, inspektoratit shtetëror të tregut, varësisht nga selia e objektit.

Byroja turistike e cila është themeluar nga prefekti i komunës, ndërsa në Qytetin e Shkupit prefekti i Qytetit të Shkupit, prishjen e marrëveshjes nga paragrafi 1 i këtij neni do t'ia dorëzojë njësisë rajonale të Drejtorisë për të hyra publike, policisë financiare, inspeksionit sanitar, prefektit të komunës, ndërsa në Qytetin e Shkupit, prefektit të Qytetit të Shkupit dhe inspektoratit shtetëror të tregut, varësisht nga selia e objektit.

#### Neni 51

Personat fizikë të cilët japin shërbime në bazë të nenit 46 të këtij ligji, janë të obliguar:

- 1) në vend të dukshëm t'i vendosin llojin e përcaktuar dhe kategorinë e objektit të përcaktuar vendim nga organi kompetent;
- 2) në vend të dukshëm të hyrjes së objektit ta vendosin emrin e shërbimeve, të cilat i jep me shenjat e përcaktuara;
- 3) në lokalin në të cilin kryhen shërbimet në vend të dukshëm t'i vënë çmimet e shërbimeve për vendosje, në mënyrë të përcaktuar dhe të zakonshme, dhe t'u përmbahen çmimeve të vendosura;
- 4) t'i japin mysafirit llogari me llojin e përcaktuar, sasinë dhe çmimin e shërbimeve të dhëna (për çdo shërbim të dhënë veç e veç), kurse me rastin e dhënies së shërbimeve për vendosje, të shënohet në llogari edhe shuma e çmimit për qëndrim;
- 5) të mbajnë libër për evidentimin e mysafirëve;
- 6) në vend të dukshëm në objekt ta spikatë numrin e telefonit të Inspektoratit shtetëror të tregut.

Ministri i cili e udhëheq organin e administratës shtetërore kompetente për punët nga lëmi i hotelierisë, përcakton formën dhe përmbajtjen e formularit të librit për evidentimin e mysafirëve.

#### Neni 52

Gjatë dhënies së shërbimeve në bazë të nenit 46 të këtij ligji, personave fizikë mund t'u ndihmojnë anëtarë të ekonomisë së tyre familjare.

Personat fizikë dhe anëtarët e ekonomisë së tyre familjare doemos duhet t'i plotësojnë kushtet shëndetësore për punë në hotelieri.

### **4. Shërbimet hoteliere në ekonomitë familjare fshatare**

#### Neni 53

Në ekonomitë familjare fshatare jepen shërbime të dhënies së dhomave dhe apartamenteve, pronari i të cilave ose bartës i së drejtës për shfrytëzim, është anëtar i ekonomisë familjare fshatare, edhe atë më së shumti deri në 10 dhoma, përkatësisht 20 shtretër.

Shërbimet nga paragrafi 1 të këtij neni mund të jepen nëse janë plotësuar kushtet nga neni 6 i këtij ligji.

Përveç shërbimeve nga paragrafi 1 i këtij neni, në ekonomitë familjare fshatare mund të përgatiten dhe të shërbehen gjellëra të ngrohta dhe të ftohta, pije dhe lëngje kryesisht nga prodhimi personal, më së shumti për 50 persona (ekskursionistë) njëkohësisht.

Në ekonomitë familjare fshatare mund të jepen shërbime për degustim të verës ose rakisë, si dhe shërbim i ushqimit nga prodhimi shtëpiak në pjesë të rregulluar të objektit banesor apo afarist, më së shumti për 50 persona (ekskursionistë) njëkohësisht.

Përshkak të përmirësimit të kualitetit të ofertës hoteliere, në ekonomitë familjare fshatare, ekskursionistët (personat të cilët qëndrojnë në ekonomitë familjare fshatare) mund të përgatisin ushqim, pije dhe lëngje për nevojat e tyre.

Për dhënien e shërbimeve në ekonomitë familjare fshatare zbatohen dispozitat nga neni 46 deri më 52 të këtij ligji.

## **5. Shërbime hoteliere të objekteve lundruese.**

### Neni 54

Hotelierët dhe personat fizikë nga neni 4 të këtij ligji, nën kushte të përcaktuara me këtë ligj dhe rregulla të tjera, mund të japin shërbime të ushqimit dhe shërbim të pijeve dhe lëngjeve në objekte detare.

Shërbimet nga paragrafi 1 të këtij neni mund të jepen nëse janë plotësuar kushtet nga neni 6 i këtij ligji.

Personat fizikë, shërbimet nga paragrafi 1 të këtij neni mund t'i japin më së shumti për 20 mysafirë njëkohësisht.

Shërbimet nga paragrafi 1 të këtij neni, personat fizikë nuk guxojnë t'i japin në vendngulim dhe liman, si dhe kur objekti lundrues qarkon jashtë limanit dhe vendngulimit, personave të cilët nuk gjenden në objektin lundrues përshkak të transportit.

## **VI. DHËNIA E SHËRBIMEVE HOTELIERE NUDISTËVE**

### Neni 55

Shërbimet hoteliere nudistëve mund t'u jepen në objekte hoteliere dhe kampe.

Shërbimet nga paragrafi 1 të këtij neni mund të jepen nëse janë plotësuar kushtet nga neni 6 i këtij ligji.

Në hyrje të objektit hotelier, përkatësisht kampit në të cilin u jepen shërbime hoteliere nudistëve, përkaj emrit të objektit vendoset edhe shenja se në atë objekt u jepen shërbime hoteliere nudistëve.

Hapësira rreth objekteve hoteliere dhe kampeve në të cilat u jepen shërbime hoteliere nudistëve, duhet të jetë e rrethuar.

## **VII. MBIKËQYRJA**

### Neni 56

Mbikëqyrje ndaj zbatimit të dispozitave të këtij ligji bën organi administratës shtetërore kompetent për punët nga lëmi i hotelierisë.

Mbikëqyrjen ndaj zbatimit të dispozitave me të cilat janë përcaktuar kompetencat e organeve të tjera të administratës shtetërore, i kryejnë ato organe në kuadër të kompetencave të tyre të përcaktuara me ligj.

Mbikëqyrje ndaj ligjshmërisë së punës së Këshillit dhe prefektit të komunës, kurse në Qytetin e Shkupit, të Këshillit dhe prefektit të komunës në rajonin e Qytetit të Shkupit, si dhe të Këshillit dhe prefektit të Qytetit të Shkupit në lidhje me kompetencat e përcaktuara me këtë ligj nga lëmi i hotelierisë.

#### Neni 57

Punët e mbikëqyrjes së inspektimit i kryen Inspektorati shtetëror i tregut përmes inspektorëve, në pajtim me dispozitat nga Ligji për inspeksionin e tregut dhe ky ligj.

#### Neni 58

Punët e mbikëqyrjes së inspeksionit të kryerësve të veprimtarisë hoteliere me vëllim të vogël të regjistruara në regjistrin të cilin e mban prefekti i komunës, kurse në Qytetin e Shkupit në regjistrin që e mban prefekti i komunës në rajonin e Qytetit të Shkupit, i kryejnë inspektorët e autorizuar të komunës, kurse në Qytetin e Shkupit, inspektorët e autorizuar të Qytetit të Shkupit, siç janë dhënia e:

- 1) shërbimeve të konfeksionuara hoteliere në objekte destinuese të lëvizshme;
- 2) shërbimeve të kampimit;
- 3) shërbimeve hoteliere për kampim;
- 4) shërbimeve hoteliere për vendosje dhe ushqimit në shtëpi;
- 5) shërbimeve hoteliere në apartamente dhe dhoma për pushim;
- 6) shërbimeve hoteliere në ekonomi familjare fshatare; dhe
- 7) shërbimeve hoteliere në objekte lundruese.

Inspektori i autorizuar i komunës, ndërsa në Qytetin e Shkupit, inspektori i autorizuar i Qytetit të Shkupit, mund të kryejnë edhe punë të tjera të përcaktuara me ligj dhe me rregull.

#### Neni 59

Nëse inspektori i autorizuar i komunës dhe inspektori i Qytetit të Shkupit gjatë kryerjes së mbikëqyrjes vërteton se personi fizik:

1) veprimtarinë e kryen pa mos qenë i regjistruar në regjistrin që e mban prefekti i komunës, kurse në Qytetin e Shkupit, prefekti i komunës në rajonin e Qytetit të Shkupit (neni 4 paragrafi 2);

2) objektet në të cilat jepen shërbime të konfeksionuara hoteliere nuk i plotësojnë kushtet minimale-teknike dhe kushtet tjera të përcaktuara me ligj (neni 41 paragrafi 1);

3) shërbimet e konfeksionuara hoteliere kryhen në vendet të cilat nuk janë lejuar nga prefekti i komunës, ndërsa në Qytetin e Shkupit nga prefekti i Qytetit të Shkupit (neni 41 paragrafi 2);

4) krahas ushqimit në gjendje të konfeksionuar shërbehen edhe ushqime të tjera (neni 41 paragrafi 3);

5) bën kampim në kundërshtim me dispozitat nga neni 42, 43 dhe 44 të këtij ligji;

6) kampi nuk ka rend të përcaktuar shtëpiak (neni 45 paragrafi 1);

7) dhënia e shërbimeve hoteliere nuk i plotëson kushtet minimale nga neni 47 paragrafi 1 i këtij ligji;

8) dhënien e dhomave, apartamenteve, shtëpive dhe banesave për pushim nuk e kryen përmes agjencionit turistik dhe byrosë turistike në bazë të marrëveshjes (neni 48);

9) dhënien e shërbimeve hoteliere në shtëpi, apartamenteve dhe dhomave për pushim e kryen në kundërshtim me nenin 51 të këtij ligji;

10) shërbimet hoteliere në ekonominë familjare fshatare i kryen në kundërshtim me nenin 53 paragrafin 1 dhe 2 të këtij ligji;

do të marrë vendim për ndalimin e kryerjes së veprimtarisë hoteliere dhe do të caktojë afat për evitimin e mangësive të caktuara.

Nëse në afatin e caktuar personi fizik nuk i eviton mangësitë e caktuara, inspektori i autorizuar i komunës, kurse në Qytetin e Shkupit, inspektori i autorizuar i Qytetit të Shkupit, do të marrë vendim me të cilin do ta ndalojë kryerjen e veprimtarisë hoteliere në kohëzgjatje prej 30 ditësh.

Kundër vendimit nga paragrafi 1 dhe paragrafi 2 i këtij neni mund t'i ushtrohet ankesë në afat prej 8 ditëve nga dita e pranimit të së njëjtës, ministrit i cili udhëheq me organin e administratës shtetërore kompetent për punët nga lëmi i hotelierisë.

Ankesa nuk e shtyn ekzekutimin e vendimit.

#### Neni 60

Nëse gjatë kryerjes së mbikëqyrjes inspektori i autorizuar i komunës, kurse në Qytetin e Shkupit inspektori i autorizuar i Qytetit të Shkupit vjen në njohuri se ekziston bazë për dyshim se është bërë kundërvajtje, me të cilën është bërë cënim i këtij ligji apo rregulle tjetër, është i obliguar që pa shtyrje të paraqesë kërkesë për ngritjen e procedurës ndëshkuese.

#### Neni 61

Për inspektor të komunës dhe të Qytetit të Shkupit mund të autorizohet person, i cili i plotëson kushtet vijuese:

- 1) të jetë shtetas i Republikës së Maqedonisë;
- 2) të ketë arsimim sipëror profesional nga profesioni ekonomik ose turistik hotelierik dhe së paku dy vjet përvojë pune.

Inspektori nga paragrafi 1 i këtij neni ka legjitimacion. Përmbajtjen dhe formën e legjitimacionit të inspektorit e përcakton ministri, i cili udhëheq me organin e administratës shtetërore kompetent për punët nga lëmi i hotelierisë.

#### Neni 62

Mbikëqyrja ndaj punës së Këshillit dhe prefektit të komunës, kurse në Qytetin e Shkupit, të Këshillit dhe prefektit të komunës në rajonin e Qytetit të Shkupit, si dhe të Këshillit dhe prefektit të Qytetit të Shkupit, themelohet në parimin e ligjshmërisë, përgjegjësisë dhe pavarësisë në realizimin e kompetencave të tyre.

Gjatë kryerjes së mbikëqyrjes ndaj punës së Këshillit dhe prefektit të komunës, kurse në Qytetin e Shkupit të Këshillit dhe prefektit të komunës në rajonin e Qytetit të Shkupit, si dhe të Këshillit dhe prefektit të Qytetit të Shkupit, organi i administratës shtetërore kompetent për kryerjen e punëve nga lëmi i hotelierisë, i kryen punët vijuese:

1) përcjell ligjshmërinë e punës së Këshillit dhe prefektit të komunës, kurse në Qytetin e Shkupit, të Këshillit dhe prefektit të komunës në rajonin e qytetit të Shkupit, si dhe të Këshillit dhe prefektit të Qytetit të Shkupit, dhe ndërmerr masa dhe aktivitete dhe paraqet iniciativa për realizimin e kompetencave në pajtim me ligjin;

2) vlerëson se Këshilli dhe prefekti i komunës, kurse në Qytetin e Shkupit të Këshillit dhe prefektit të komunës në rajonin e Qytetit të Shkupit, si dhe Këshillit dhe prefektit të Qytetit të Shkupit a sigurojnë që kryerja e punës nga kompetencat e tyre të kryhen në pajtim me standardet dhe procedurat e përcaktuara me ligj;

3) paralajmëron Këshillin dhe prefektin e komunës, kurse në Qytetin e Shkupit, Këshillin dhe prefektin e komunës në rajonin e Qytetit të Shkupit, si dhe Këshillin dhe prefektin e Qytetit të Shkupit, për tejkalimin e kompetencave të tyre të përcaktuara me ligj dhe rregull tjetër dhe u propozon masa përkatëse për tejkalimin e kësaj gjendjeje;

4) paralajmëron për mungesa të caktuara materiale dhe procedurale në punën e Këshillit dhe prefektit të komunës, kurse në qytetin e Shkupit të Këshillit dhe prefektit të komunës në rajonin e Qytetit të Shkupit, si dhe të Këshillit dhe prefektit të Qytetit të Shkupit, të cilat do të mund ta pengonin kryerjen e punëve të përcaktuara me këtë ligj, e të cilat janë me interes publik të rëndësisë lokale;

5) jep rekomandime për zbatimin konsekuent të kompetencave të Këshillit dhe prefektit të komunës, kurse në Qytetin e Shkupit, të Këshillit dhe prefektit të komunës në rajonin e Qytetit të Shkupit, si dhe të Këshillit dhe prefektit të Qytetit të Shkupit, të cilat duhet t'i kryejnë në kuadrin e ligjit, e me kërkesën e tyre;

6) përcjell nxjerrjen me kohë të rregullave të përcaktuara me këtë ligj të Këshillit dhe prefektit të komunës, kurse në Qytetin e Shkupit, të Këshillit dhe prefektit të komunës në rajonin e qytetit të Shkupit, si dhe të Këshillit dhe prefektit të Qytetit të Shkupit;

7) i paraqet iniciativë dhe propozime Këshillit dhe prefektit të komunës, kurse në Qytetin e Shkupit, Këshillit dhe prefektit të komunës në rajonin e Shkupit, si dhe Këshillit dhe prefektit të Qytetit të Shkupit, nëse konstaton moszbatimin e ligjit si rezultat i ndeshjes së kompetencave ndërmjet organeve të komunës;

8) përcjell ligjshmërinë e vendimeve të cilat i merr prefekti në zgjidhjen e punëve administrative për të drejta, obligime dhe interese të perosnave fizikë dhe juridikë të marra në bazë të këtij ligji dhe ndërmerr masa sipas autorizimit të ligjit;

9) me kohë i informon organet e Këshillit dhe prefektin e komunës, kurse në Qytetin e Shkupit, Këshillin dhe prefektin e komunës në rajonin e Qytetit të Shkupit, si dhe Këshillin dhe prefektin e qytetit të Shkupit për gjendjen e konstatuar në punën e tyre dhe për masat e marra gjatë mbikëqyrjes.

Për masat e ndërmarra dhe aktivitetet nga pika 6 dhe 8 paragrafi 2 i këtij neni, organi i administratës shtetërore kompetent për punët nga lëmi i hotelierisë, e informon Këshillin dhe prefektin e komunës, kurse në Qytetin e Shkupit, Këshillin dhe prefektin e komunës në rajonin e Qytetit të Shkupit, si dhe Këshillin dhe prefektin e Qytetit të Shkupit.

Nëse edhe krahas paralajmërimeve dhe masave e aktivitetëve të ndërmarra, Këshilli dhe prefekti i komunës, kurse në Qytetin e Shkupit, Këshilli dhe prefekti i komunës në rajonin e Qytetit të Shkupit, si dhe Këshilli dhe prefekti i Qytetit të Shkupit nuk e sigurojnë kryerjen e punëve nga paragrafi 2 të këtij neni, me fuqinë e ligjit u merret apo u kufizohet kryerja e kompetencës përkatëse. Kryerjen e punëve të ndërmarr e merr organi kompetent i administratës shtetërore kompetent për punët nga lëmi i hotelierisë, por më së shumti deri në një vit nga dita e marrjes së tyre.

Organi i administratës shtetërore kompetent për punët e hotelierisë, kryerjen e punëve të marra nga kompetenca e Këshillit dhe prefektit të komunës, kurse në Qytetin e Shkupit, të Këshillit dhe prefektit të komunës në rajonin e Qytetit të Shkupit, si dhe të Këshillit dhe prefektit të Qytetit të Shkupit, i kryen në emër dhe në llogari të komunës dhe të Qytetit të Shkupit.

#### Neni 63

Nëse inspektori gjatë kryerjes së mbikëqyrjes vërteton se në objektet hoteliere bëhet shitja dhe ofrimi i shitjes, si dhe marrja e supstancave ose preparateve të cilat janë shpallë drogë narkotike ose substanca psikotrope, do të marrë vendim me të cilin në vendndodhje do t'ia ndalojë hotelierit apo personit fizik kryerjen e veprimtarisë dhe do t'i mbyllë lokalet afariste dhe lokalet në afat prej 180 ditësh (neni 36).

Kundër vendimit nga paragrafi 1 të këtij neni mund t'i ushtrohet ankesë ministrit i cili udhëheq me organin e administratës shtetërore kompetent për punët nga lëmi i hotelierisë.

Ankesa e ushtruar kundër vendimit nga paragrafi 1 i këtij neni, nuk e shtynë ekzekutimin e saj.

#### Neni 64

Nëse inspektori gjatë kryerjes së mbikëqyrjes konstaton se hotelieri:

1) nuk ka licencë për shërbimin dhe shitjen e verës, alkoolit dhe pijeve alkoolike (neni 13 paragrafi 1);

2) nuk u përmbahet çmimeve të vendosura, nuk ka dokumente për prodhimet e furnizuara (fatura, llogari, fletëdërgesa dhe ngjashëm), për çdo shërbim të dhënë nuk jep llogari për specifikimin e shërbimeve nga arka fiskale (neni 35 paragrafi 1 pika 4);

3) do të marrë vendim për ndalimin e kryerjes së veprimtarisë hoteliere në kohëzgjatje prej 90 ditëve dhe në vend të dukshëm do ta shpallë arsyen për mbylljen e objektit.

Nëse hotelieri gjatë periudhës prej 90 ditëve i eviton mangësitë nga paragrafi 1 pikat 1 dhe 2 të këtij neni dhe paguan në llogari të Buxhetit të Republikës së Maqedonisë 300 000 denarë, objekti do të mund të vazhdojë ta kryejë veprimtarinë hoteliere.

Nëse hotelieri në vitin në vijim bën veprime për të cilat është shqiptuar masa nga paragrafi 1 i këtij neni, inspektori do të marrë vendim për ndalimin e kryerjes së veprimtarisë hoteliere në afat prej 120 ditësh dhe do ta mbyllë objektin hotelier.

Nëse hotelieri gjatë periudhës prej 120 ditëve i eviton mangësitë nga paragrafi 1 pikat 1 dhe 2 të këtij neni dhe paguan në llogari të Buxhetit të Republikës së Maqedonisë 300 000 denarë, objekti do të mund të vazhdojë ta kryejë veprimtarinë hoteliere.

Kundër vendimit nga paragrafët 1 dhe 3 të këtij neni mund t'i ushtrohet ankesë ministrit i cili udhëheq me organin e administratës shtetërore nga lëmi i hotelierisë.

Ankesa e ushtruar kundër vendimit nga paragrafi 5 i këtij neni, nuk e shtynë ekzekutimin e tij.

#### Neni 65

Nëse inspektori gjatë kryerjes së mbikëqyrjes, konstaton se hotelieri:

1) nuk ka dëshmi për ndryshimin e kushteve minimale-teknike (neni 8 paragrafi 2);

2) kryen veprimtari hoteliere jashtë objektit afarist në hapësirë dedikuar, rregulluar dhe të pajisur për dhënie të shërbimeve hoteliere (teraca dhe kopshteve verore) pa lejen e prefektit të komunës, kurse në Qytetin e Shkupit të prefektit të Qytetit të Shkupit për shfrytëzimin e hapësirës (neni 12 paragrafi 3);

3) nuk i përmbahet kohës së përcaktuar për punë (neni 26 paragrafi 2);

4) nuk siguron lokal të veçantë për duhanpirës (neni 36 paragrafi 2), dhe

5) në objektet hoteliere bën shërbimin e pijeve alkoolike personave më të rinj se 18 vjeç dhe bën shërbimin e pijeve alkoolike personave të mitur (neni 37 paragrafi 1);

do të marrë vendim për ndalimin e kryerjes së veprimtarisë hoteliere në kohëzgjatje prej 60 ditësh dhe do ta mbyllë objektin hotelier duke vënë në vend të dukshëm arsyen për mbylljen e tij.

Nëse hotelieri gjatë periudhës prej 60 ditëve i eviton mangësitë nga paragrafi 1 pikat 1, 2, 3 dhe 4 të këtij neni dhe paguan në llogari të Buxhetit të Republikës së Maqedonisë 150 000 denarë, objekti do të mund të vazhdojë me kryerjen e veprimtarisë hoteliere.

Nëse hotelieri në vitin në vijim bën veprime për të cilat është shprehur masa nga paragrafi 1 i këtij neni, inspektori do të marrë vendim për ndalimin e kryerjes së veprimtarisë hoteliere në afat prej 90 ditësh dhe do ta mbyllë objektin hotelier.

Kundër vendimit nga paragrafët 1 dhe 3 të këtij neni mund t'i ushtrohet ankesë ministrit i cili udhëheq me organin e administratës shtetërore kompetent për punët nga lëmi i hotelierisë.

Ankesa e ushtruar kundër vendimit nga paragrafi 4 i këtij neni nuk e shtynë ekzekutimin e tij.

#### Neni 66

Nëse inspektori gjatë kryerjes së mbikëqyrjes konstaton se:

1) veprimtaria hoteliere bëhet pa u regjistruar në regjistrin tregtar (neni 4 paragrafi 1);

2) veprimtaria hoteliere bëhet pa u plotësuar kushtet minimale-teknike, kushtet sanitare-higjienike dhe shëndetësore, kushtet për mbrojtje gjatë punës, mbrojtje dhe përparim të mjedisit jetësor, mbrojtje kundër zjarrit dhe kushtet për mbrojtje nga zhurma (neni 6);

3) veprimtaria hoteliere bëhet në objekte afariste apo lokale ku kryhet veprimtari tjetër, pa u plotësuar kushtet e përcaktuara për kryerjen e veprimtarisë tjetër (neni 12 paragrafi 2);

4) veprimtaria hoteliere kryhet në objekte hoteliere bar nate, kabare dhe disko-klub pa licencë (neni 20 paragrafi 1);

5) hotelieri lejon hyrjen e personave me moshë nën 18 vjeç (neni 35 paragrafi 1 pika 3);

6) do të marrë vendim për ndalim të kryerjes së veprimtarisë hoteliere për kryerjen e veprimtarisë hoteliere në kohëzgjatje prej 30 ditësh me mbylljen e objektit hotelier, duke vendosur arsyen për mbylljen e tij.

Nëse hotelieri në vitin në vijim bën veprime për të cilat është shqiptuar mas nga paragrafi 1 i këtij neni, inspektori do të marrë vendim për ndalimin e kryerjes së veprimtarisë hoteliere prej 90 ditësh dhe do ta mbyllë objektin hotelier.

Kundër vendimit nga paragrafët 1 dhe 2 të këtij neni mund t'i ushtrohet ankesë ministrit, i cili udhëheq me organin e administratës shtetërore kompetent për punët nga lëmi i hotelierisë.

Ankesa e ushtruar kundër vendimit nga paragrafi 3 i këtij neni, nuk e shtynë ekzekutimin e tij.

#### Neni 67

Nëse inspektori gjatë kryerjes së mbikëqyrjes, konstaton se hotelieri:

1) fillon me punë në objektin hotelier pa kategorinë e fituar (neni 32 paragrafi 1);  
2) nuk ka dëshmi për ndryshimin e bërë të kategorisë së objektit hotelier në kuptim të nenit 33, paragrafi 3 i këtij ligji;

3) do të marrë vendim për ndalimin e kryerjes së veprimtarisë hoteliere në kohëzgjatje prej 15 ditësh dhe do të mbyllet objekti hotelier duke vënë në vend të dukshëm arsyen për mbylljen e tij.

Kundër vendimit nga paragrafi 1 i këtij neni mund t'i ushtrohet ankesë ministrit i cili udhëheq me organin e administratës shtetërore kompetent për punët nga lëmi i hotelierisë.

Ankesa e ushtruar kundër vendimit nga paragrafi 2 i këtij neni, nuk e shtynë ekzekutimin e tij.

### VIII. DISPOZITAT NDËSHKUESE

#### Neni 68

Me dënim me para prej 50 000 denarë deri më 150 000 denarë, do të dënohet për kundërvajtje personi juridik, nëse:

1) nuk ka licencë për shërbimin dhe shitjen e verës, alkoolit dhe pijeve alkoolike (neni 13 paragrafi 1);

2) kryen veprimtari hoteliere në objekte hoteliere: bar nate, kabare dhe disko-klub pa licencë (neni 20 paragrafi 1);

3) e bart licencën (neni 22 paragrafi 2);

4) nuk i përmbahet orarit të përcaktuar të kohës për punë (neni 26 paragrafi 2);

5) nuk u përmbahet çmimeve të vendosura dhe nuk posedon dokumente për prodhimet e furnizuara (fatura, llogari, fletëdërgesa dhe ngjashëm), për çdo shërbim të dhënë nuk jep llogari me specifikimin e shërbimeve nga arka fiskale (neni 35 paragrafi 1 pika 4).

Për veprimet nga paragrafi 1 i këtij neni, përveç dënimit me para nga paragrafi 1 i këtij neni, personit juridik do t'i shqiptohet edhe masa e sigurisë ndalim i kryerjes së veprimtarisë hoteliere në kohëzgjatje prej një deri në tre vjet.

Për kundërvajtjet nga paragrafi 1 i këtij neni, do të dënohet edhe personi përgjegjës në personin juridik, me dënim me para në shumë prej 30.000 deri në 50.000 denarë.

Për veprimet nga paragrafi 1 i këtij neni, përveç dënimit me para, nga paragrafi 3 i këtij neni, personit juridik mund t'i shqiptohet edhe masa e sigurisë ndalim i kryerjes së veprimtarisë hoteliere në kohëzgjatje prej tre muajve deri në një vit.

#### Neni 69

Me dënim me para, prej 50 000 denarë deri më 120 000 denarë do të dënohet për kundërvajtje personi juridik nëse:

1) kryen veprimtari hoteliere pa u plotësuar kushtet minimale-teknike (neni 6 paragrafi 1);

2) fillimin e kryerjes së veprimtarisë, si dhe ndryshimin e kushteve nga neni 6 i këtij ligji, nuk ia paraqet prefektit të komunës, kurse në qytetin e Shkupit prefektit të komunës në rajonin e Qytetit të Shkupit (neni 8 paragrafi 1);

3) veprimtaria hoteliere bëhet në objektet apo lokale në të cilat kryhet veprimtari tjetër pa u plotësuar kushtet e përcaktuara për kryerjen e veprimtarisë hoteliere (neni 12 paragrafi 2);

4) veprimtaria hoteliere kryhet jashtë objektit afarist në lokal dedikuar, rregulluar dhe të pajisur për dhënien e shërbimeve hoteliere (teraca dhe kopshte verore) pa lejen e prefektit të komunës, kurse në Qytetin e Shkupit të prefektit të Qytetit të Shkupit për shfrytëzimin e lokalit (neni 12 paragrafi 3);

5) fillon me kryerjen e veprimtarisë para se të marrë vendim për kategorinë e objektit hotelier (neni 32 paragrafi 1);

6) nuk i vërteton normat e ushqimit dhe pijeve që do t'i shërbejë dhe nuk u mundëson shfrytëzuesve shikim në ato norma (neni 35 paragrafi 1 pika 5);

7) nuk i verifikon normat për ushqim te prefekti i komunës, ndërsa në Qytetin e Shkupit te prefekti i komunës në rajonin e Qytetit të Shkupit dhe shërbimet hoteliere nuk i jep në sasi përkatëse dhe kualitet sipas normave të përcaktuara (neni 35 paragrafi 1 pika 6);

8) nuk mban libër të mysafirëve në objektin hotelier për vendosje (neni 35 paragrafi 1 pika 7);

9) nuk i jep shërbimet hoteliere të përfshira në pako-aranzhmanet turistike në objektet hoteliere për vendosje përmes organizatorëve në udhëtime ose ndërmjetësuesve, përkatësisht agjencive turistike (neni 35 paragrafi 1 pika 11);

10) u shërben alkool dhe pije alkoolike personave nën 18 vjet (neni 37 paragrafi 1);

11) bën kampim në kampe të paorganizuar (neni 42 paragrafi 2);

12) vendosen çadra, kamp-shtëpiza, kamp-rimorkio dhe pajisje tjetër për kampim jashtë kampit (neni 43);

13) kampim i përkohshëm bëhet në tokën e cila nuk është caktuar nga Këshilli i komunës, kurse në Qytetin e Shkupit nga Këshilli Qytetit të Shkupit (neni 44 paragrafi 2).

Për kundërvajtjen nga paragrafi 1 pika 1 e këtij neni, përpos dënimit me para nga paragrafi 1 i këtij neni, do të shqiptohet edhe masa e sigurisë – ndalim për kryerjen e veprimtarisë hoteliere në kohëzgjatje prej gjashtë muajve deri në një vit.

Për kundërvajtjen nga paragrafi 1 i këtij neni do të dënohet edhe personi përgjegjës në personin juridik me dënim me para në shumë prej 5 000 deri në 15 000 denarë.

#### Neni 70

Me dënim me para prej 50 000 denarë deri më 80 000 denarë do të dënohet për kundërvajtje personi juridik nëse:

1) shërben alkool dhe pije alkoolike në kundërshtim me dispozitat nga neni 15 i këtij ligji;

2) nuk ka dëshmi për ndryshimin e bërë të kategorisë së objektit hotelier (neni 33 paragrafi 3);

3) nuk i mirëmban lokalet dhe pajisjen dhe jep shërbime në objektin hotelier sipas kushteve të përshkruara minimale-teknike, si dhe kushteve për kategorizimin e llojeve të objekteve për të cilat është paraparë kategorizimi (neni 35 paragrafi 1 pika 1);

4) në objektet hoteliere për vendosje nuk i jep shërbimet hoteliere të përfshira në pako-aranzhmanet turistike përmes organizatorëve të udhëtimit apo ndërmjetësuesve, përkatësisht agjencive turistike (neni 35 pika 11);

5) në objektet nga neni 41 paragrafi 3 të këtij ligji, përveç ushqimit në gjendjen të konfeksionuar shërbehen edhe ushqime të tjera;

6) organizon dhe bën kampim në kundërshtim me dispozitat nga neni 42, paragrafi 1 dhe 2 të këtij ligji;

7) kampi nuk ka rend të përcaktuar shtëpiak (neni 45 paragrafi 1), dhe

8) në hyrjen e kampit apo në vend tjetër për të përkatës, nuk vendos plan-shemën e kampit, nuk vendos listën e çmimeve për shfrytëzimin e hapësirës për kampim, kategori të kampit, si dhe shërbime të tjera që i jep kampi (neni 45 paragrafi 2).

Me dënim me para prej 5 000 deri më 15 000 denarë do të dënohet për kundërvajtje edhe personi përgjegjës në personin juridik.

#### Neni 71

Me dënim me para prej 50 000 denarë deri më 100 000 denarë do të dënohet për kundërvajtje personi juridik nëse:

1) nuk e vendos kohën e punës në hyrje të objektit dhe në vend të dukshëm në objekt (neni 26 paragrafi 1);

2) nuk e vendos në vend të dukshëm shenjën e përcaktuar të llojit dhe kategorisë së objektit hotelier (neni 32 paragrafi 2);

3) nuk i vendos çmimet në pajtim me nenin 35 paragrafi 1 pika 2;

4) nuk vendos në vend të dukshëm të hyrjes së objektit hotelierik - bar nate dhe kabare, tabelë me dimensione 20 x 50 cm me përmbajtje "persona me moshë nën 18 vjet nuk kanë të drejtë vizite" (neni 35 paragrafi 1 pika 3);

5) nuk e përcakton dhe vendos rendin shtëpiak në të gjitha objektet objektet për vendosje (neni 35 paragrafi 1 pika 9);

6) licencën për mbushjen e pijeve alkoolike nuk e vendos në vend të dukshëm (neni 35 paragrafi 1 pika 10);

7) në vend të dukshëm në objektin hotelier apo në meny nuk e shënon numrin e telefonit të Inspektoratit shtetëror të tregut (neni 35 paragrafi 1 pika 12);

8) në të gjitha materialet propaganduese nuk shënon llojin dhe kategorinë e objektit (neni 35 paragrafi 1 pika 13);

9) nuk e vendos në vend të dukshëm në objektin hotelier mbishkrimin me përmbajtje "persona me moshë nën 18 vjet nuk shërbehen me pije alkoolike", (neni 37 paragrafi 2);

10) shërben pije alkoolike prej orës 07:00 deri në orën 10:00 (neni 38).

Me dënim me para prej 5 000 deri më 15 000 denarë do të dënohet për kundërvajtje edhe personi përgjegjës në personin juridik.

#### Neni 72

Me dënim me para prej 30 000 deri 50 000 denarë do të dënohet për kundërvajtje personi fizik - tregtari individ për veprimet nga nenet 68, 69, 70 dhe 71 të këtij ligji dhe do t'i shqiptohet masa e sigurisë e paraparë me nenin 68 paragrafi 4 dhe nenin 69 paragrafi 2 të këtij ligji.

#### Neni 73

Me dënim me para prej 30 000 denarë deri më 50 000 denarë do të dënohet për kundërvajtje personi fizik nëse:

1) jep dhoma, apartamente dhe shtëpi për pushim në kundërshtim me nenin 46, paragrafi 1 dhe pika 1 e këtij ligji;

2) organizon kampim dhe jep shërbime në kundërshtim me nenin 46 paragrafi 1 pika 2 të këtij ligji;

3) jep shërbime për kaftjall në kundërshtim me nenin 46 paragrafi 1 pika 3;

4) i jep dhomat apartamentet, shtëpitë dhe banesat për pushim pa marrëveshje të lidhur me agjencinë turistike, byronë turistike dhe shoqërinë tregtare të regjistruar për kryerjen e veprimtarisë turistike (neni 48);

5) në vend të dukshëm nuk e vendos llojin dhe kategorinë e objektit (neni 51 paragrafi 1 pika 1) e këtij ligji;

6) anëtari i ekonomisë shtëpiake apo personat që u ndihmojnë anëtarëve të ekonomisë shtëpiake nuk i plotësojnë kushtet shëndetësore për punë në hotelieri sipas nenit 52 paragrafi 2 i këtij ligji;

7) jep shërbime në vendngulime dhe limane, si dhe kur objekti lundruet qarkon jashtë vendngulimit dhe limanit personave që nuk gjenden në objektin lundruer për shkak të transportit (neni 54 paragrafi 4).

Nëse personi fizik gjatë dy viteve nga dita e shqiptimit të masës ndëshkuese nga paragrafi 1 i këtij neni i përsërit të njëjtat veprime do t'i shqiptohet masë e sigurisë ndalim i kryerjes së veprimtarisë hoteliere prej gjashtë muajve deri në një vit.

#### Neni 74

Me dënim në para, prej 20 000 deri në 40 000 denarë, do të dënohet për kundërvajtje personi fizik nëse:

- 1) shtëpitë, apartmanet dhe dhomat nuk i plotësojnë kushtet minimale-teknike dhe kushtet për kategorizim sipas neni 6 të këtij ligji (neni 47 paragrafi 1);
- 2) në vend të dukshëm nuk e spikasin nomenklaturën e shërbimeve që i jep nga neni 51 pika 2;
- 3) nuk mban libër evidence të mysafirëve (neni 51 paragrafi 1 pika 5);
- 4) në vend të dukshëm në objekt nuk e spikat numrin e telefonit të Inspektoratit shtetëror të tregut (neni 51 paragrafi 1 pika 6);
- 5) jep shërbime në objekte lundruese për më shumë se 20 mysafirë njëkohësisht (neni 54 paragrafi 3).

Nëse personi fizik gjatë dy viteve nga dita e shqiptimit të masës ndëshkuese nga paragrafi 1 i këtij neni i përsërit të njëjtat veprime do t'i shqiptohet masë e sigurisë ndalim i kryerjes së veprimtarisë hoteliere prej tre deri në një vit.

#### Neni 75

Me dënim me para prej 4 000 denarë, do të dënohet në vend personi juridik, për veprimet nga neni 68, paragrafi 1, neni 69, paragrafi 1, neni 70, paragrafi 1; neni 71 paragrafi 1; neni 72; neni 73 paragrafi 1 dhe neni 74 paragrafi 1 i këtij ligji.

Me dënim me para prej 2 000 denarë, në vend do të dënohet personi përgjegjës te personi juridik për veprimet nga paragrafi 1 i këtij neni.

Me dënim me para prej 3 000 denarë, në vend do të dënohet qytetari për veprimet nga paragrafi 1 i këtij neni.

### IX. DISPOZITA KALIMTARE DHE PËRFUNDIMTARE

#### Neni 76

Procedurat e filluara para hyrjes në fuqi të këtij ligji do të kryhen sipas dispozitave nga Ligji për hotelieri dhe veprimtari turistike ("Gazeta zyrtare e Republikës së Maqedonisë" numër 23/95, 33/2000, 25/2002 dhe 38/2003).

#### Neni 77

Hotelierët dhe personat fizik janë të obliguar ta harmonizojnë punën e tyre sipas dispozitave të këtij ligji në afat prej një viti nga dita e hyrjes në fuqi të këtij ligji.

Dispozitat nga paragrafi 1 të këtij neni nuk ka të bëjë me hotelierët që kanë marrur licencë deri në kohëzgjatjen e së njëjtës.

#### Neni 78

Rregullat e parapara sipas dispozitave të këtij ligji do të nxirren në afat prej gjashtë muajve nga dita e hyrjes në fuqi të këtij ligji.

#### Neni 79

Deri në nxjerrjen e akteve të reja nënligjore të parapara me këtë ligj do të zbatohen rregullat ekzistuese.

Neni 80

Me ditën e zbatimit të këtij ligji, prefekti i komunës, e në qytetin e Shkupit prefekti i komunës së rajonit të qytetit të Shkupit, do ta ndërmerr punëtorin nga njësi rajonale e organit të drejtorisë shtetërore kompetente për punët e sferës së hotelierisë që ka punuar në udhëheqjen e regjistrimit për veprimtarinë turistike-hoteliere dhe udhëheqjen e evidencës të parapara me dispozitat e këtij ligji nga zbatimi i këtij ligji.

Neni 81

Me ditën e zbatimit të këtij ligji pushojnë të vlejné dispozitat që kanë të bëjnë me veprimtarinë hoteliere të Ligjit për veprimtari hoteliere dhe turistike ("Gazeta zyrtare e Republikës së Maqedonisë" numër 23/95, 33/2000, 25/2002 dhe 38/2003).

Neni 82

Ky ligj hyn në fuqi ditën e tetë nga dita e shpalljes në "Gazetën zyrtare të Republikës së Maqedonisë", ndërsa do të zbatohet nga dita e konstituimit të këshillave të komunave dhe të Qytetit të Shkupit dhe zgjedhjes së prefektëve të komunave dhe prefektit të Qytetit të Shkupit pas zbatimit të zgjedhjeve të para të ardhshme lokale në pajtim me Ligjin për zgjedhjet lokale ("Gazeta zyrtare e Republikës së Maqedonisë" numër 46/96, 12/2003, 35/2004, 52/2004 dhe 60/2004).